



Broj: T18 0 KT 0015548 21
Brčko, 14.02.2025. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

I. A. (H.), sin nalazi se u pritvoru po Rješenju Osnovnog suda Brčko distrikta BiH broj ... od 14.02.2025. godine

Što je:

U periodu od 25.04.2018. godine do 23.07.2018. godine, s ciljem da stekne državljanstvo Bosne i Hercegovine i ostvari pravo na posjedovanje ličnih dokumenata Bosne i Hercegovine, pribavio lažni Izvod iz Matične knjige rođenih broj ... od 06.07.2018. godine navodno izdat u mjestu Vranje, Republika Srbija, koji glasi na ime I. A., a koji sadrži lažne podatke o njegovim roditeljima i to da je sin od oca S. A. i majke A. i F., rođene Č., koji nisu njegovi stvarni roditelji, lažno Uvjerenje o državljanstvu Republike Srbije broj ... od 06.07.2018. godine u kojem je upisano da je sin S. A., lažno Rješenje o odobrenju promjene prezimena Republike Srbije broj 446-108/18 od 25.04.2018. godine, pa je, svjestan da se radi o lažnoj dokumentaciji, što je i htio, dokumentaciju predao Odjeljenju za javni registar Vlade Brčko distrikta BiH dana 20.07.2018. godine uz Zahtjev za odobrenje naknadnog upisa u matičnu knjigu rođenih i knjigu državljana BiH, a kako bi po osnovnu porijekla majke stekao državljanstvo BiH, pa je Odjeljenje za javni registar Vlade Brčko distrikta BiH, odlučujući o njegovom zahtjevu donijelo Rješenje broj ... od 23.07.2018. godine kojim se I. A. odobrava naknadni upis činjenice državljanstva BiH, pa je potom svjestan da je upis u knjigu državljana BiH ostvario na osnovu falsifikovanih dokumenata, s ciljem da sebi pribavi lična dokumenta Bosne i Hercegovine, doveo službena lica Odjeljenja za javni registar Vlade Brčko distrikta BiH u zabludu o istinitosti podataka, što je i htio, te je predao zahtjev za određivanje matičnog broja, zahtjev za prijavu prebivališta, te zahtjev za izdavanje lične karte i pasoša, u prilogu kojih zahtjeva je dostavio i Izvod iz matične knjige rođenih broj ... od 25.07.2018. godine i Uvjerenje o državljanstvu BiH broj ... od 25.07.2018. godine u kojim javnim ispravama su upisani njegovi lažni podaci, a na osnovu kojih podnesenih zahtjeva i lažnih podataka su službena lica Odjeljenja za javni registar Vlade Brčko distrikta BiH, u uvjerenju da je I. A. ostvario pravo na posjedovanje ličnih dokumenata jer je državljanin BiH, izdali ličnu kartu broj ... i pasoš broj ..., pri čemu je lažno prijavio svoje prebivalište na adresi J. I. broj... u Brčkom, a na kojoj adresi nikada nije živio,

dakle, lažnu javnu ispravu nabavio radi upotrebe i upotrijebio kao pravu, i dovođenjem u zabludu nadležnog tijela učinio da ono u javnoj ispravi ovjeri štogod neistinito što treba da služi kao dokaz u pravnom prometu,

čime je učinio krivično djelo –Falsifikovanje isprave– iz člana 367 stav (2) u vezi sa stavom (1) i krivično djelo –Ovjeravanje neistinitog sadržaja– iz člana 369 stav (1) Krivičnog zakona Brčko distrikta BiH.

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
